



08561

梁溪先生文集卷第十六

特進觀文殿大學士致仕隴西郡開國公食邑

四千四百戶食實封一千七百戶贈太師諡忠

定李綱著

詩十二

癸卯至甲辰歲作四十四首乙巳春赴奉常召如京作八首

序

登小閣有風呈于美對舉二首

次韻上元宰唱和古風

寄許振叔顯謨

次韻仲弟古意

梁谿全集

卷十六

次韻李似表縣丞出示遊西湖古風二首

似表復以詩來再次韻

寄池陽黃季岑士曹二首

冬日登小閣有感呈子美提舉二首

送鄧志宏往試南省

次韻仲弟獨遊惠山古風

吳元中著詩義見示因成三篇贈之

題伯時明皇蜀道圖

送韓茂遵解元赴試南省

邵平種瓜圖

寄題外氏松源紹祖亭

近以詩寄許振叔承林德祖見和復次前韻寄

太之

次韻顧子美見示題曲江畫像

小閣晚望書懷一百韻

唐植甫左司許出示所藏紅絲硯戲成短歌

次韻子美提舉許雪中所見過之作

次韻邵子非見贈之作

梁谿先生集

卷十六

二

次韻子美寄汪彥章同遊惠山之作

蔣山佛果師爲綠事來而此土方飢戲賦是詩

次韻葉少蘊內翰丈雪川上買得弁山石林二

首

近約周仲居同遊陽羨以私故不果見寄箏簾

次韻顧子美見示久雨三首

寄毛達可內翰并錄送魏公別錄

蓴菜

送李泰發吏部赴官陽朔

寄李泰發吏部

同翁士特小飲中隱堂

士特見和復次前韻

同士特遊惠山再次前韻

題周孝侯廟

余乙巳春赴奉常召如京師五月四日同似表叔

易遊北固甘露寺

雨中渡楊子江書懷呈似表叔易

同似表叔易置酒平山堂

梁谿全集

卷十六

三

過召伯埭遊斗野亭次司諫孫公韻

途中書懷

新開河食鰕魚戲成

泗上瞻禮僧伽塔

沐上有感

序

余頃謫沙陽迨蒙恩歸往還幾涉三歲觸目散懷
一寓于詩得古律數百首自羅艱棘絕不復作今秋
既御祥琴適友人胡俊明寄示鍾山酬唱因次韻和
之自此漸理筆墨畦徑吟哦綴緝寄傲烟霞泉石間
墨一作視
傲一作情
以爲閒居之適當浸成篇軸漫錄之以貽同志者時
宣和癸卯冬至後三日梁溪居士序

次韻上元宰胡俊明蔣山勤老唱和古風

竺教流傳入中土以相求之無自可達摩西來直指

梁谿全集

卷十六

四

心擬議之間已蹉過皮髓誰分深淺機祖翻成子

成一作貽

孫禍鍾山禪老真可人高唱宗風震江左學流雲集

欲何爲佛祖要須自心作宰官恣惚牒訟間偷暇相

從還作麼也知襟抱素相親更把篇章迭酬和詞嚴

意密讀難曉字順文從識皆多應憐孤陋方杜門亦

欲追隨良未果故將佳句寄幽人此意勤渠滋愧荷

談空摩詰無一言聽法文殊非兩個若將情解議真

如明眼人前應看破世間萬法互低昂正若旋輪與

推磨隨時俯仰乃善謀就中拙者無過我九折羊腸

欲着鞭萬里滄溟思縱施只今行年四十餘已覺衰
頹多坐卧平生作具何所施盡已付之一弄火迴光
返照默自參妙湛本然無點漉公方齒壯志氣豪正
可立功同魏顥胡爲亦復味禪那坐視軒裳如繫鎖
蓮社莊嚴清淨池丈室含容高廣坐他時共結香火
緣心期耿耿當非頗爲余稽首問勤師如師材德誠
磊砢釣龍羅鳳大江濱法器誰爲語無墮庭前倘有
立雪人我欲因風致三賀

寄許振叔顯謨

梁谿全集

卷十六

五

我向江湖老此身公猶拘繫作羈臣蘭宮笑語直一
夢澤國過從今幾人霜落洞庭橙橘熟泉斟桑苧茗
芽新相望百里如千里早晚歸來共釣緡

次韻仲弟古意

棣萼相縈華鶴原同急難富貴何足羨名節在所完
吾家諸弟昆擢秀森琅玕雖無金朱樂顧有道義歡
故人豈不多誰念范叔寒卜築九峰下庇此拙且頑
山光入戶牖溪水清不湍我屋雖無華容膝審易安
田疇半菘莠念茲歲方艱虛堂味圖史小圃執莖蘭

堂作室

蕭然寂寞庶保餘齡閑哲弟富才業壯志思昭茲
勉哉振此道吾方閒處看

次韻李似表縣丞出示遊西湖古風二首

迂愚與世違

妙一作耽

妨方自屏蕭然巖壑心不與餘事並

澄湖武林西風物非塵境願爲鏡中人此志久已定

鏡一作境

卜居梁溪濱日汲陸子井幽夢繞湖山妙境神先領

浮家茗雪間初不費馳騁招携得佳友高咏笑匡鼎

富貴如浮雲功名真畫餅且盡李鷹盃更飽盧仝茗

李侯東南來胸次涵萬頃作詩寄幽尋句法言可永

寄一作紀

梁穀人王集

卷十六

六

念子到山中天地正淒冷青鞋踏冰霜共賞誰復肯

勝遊子先之吾亦行買艇

李侯嗜學古餘事皆遠屏昂昂鸞鵠姿豈與凡禽並

捧檄來南州初識浙江境尋盟歎吾廬不待日中定

從容叩所得響答如汲井時方羅俊乂寔久淹簿領

清秋鷗鷺飛大道驂騑騁詞章尤激昂筆力可扛鼎

虛堂縱談笑霜月掛金餅夜闌言愈微至味嚼芳茗

古來會合難歲月積俄頃願子慎所之萬里路方永

吾衰老閒曠軒冕志已冷棲遲邱壑間此興良自肯

他日來相遇梁溪尋釣舡

似表復以詩來再次前韻并簡以矩待制似之

舍人

吾宗抱逸韻試吏得南屏掃廳日哦詩俗士駕敢並
雙溪與疊嶂柱頰對佳境諸昆奉板輿晨夕嚴省定
仲氏近剖符鍊養窺丹井叔兮久燕閒禪要心獨領

何人繫驥驥逸足未高騁會當歸本朝宗社重九鼎

友二作朋

衰疲老山林耕釣俱餌餌叩門欣得友草草具醪茗

追思會金陵三載如食頃契濶懷晤言川途阻修永

梁谿谿人王集

卷七十六

七

臨流送將歸歲晏風霜冷寄聲昆季間卜隣誰定肯
天高煙霧深且縱江湖艇

寄池陽黃季岑士曹

昔年多士萃南宮曾見雄文炫彩虹萬里相期霄漢
上一官猶在大江東新詩寄遠句增麗舊事追遊夢
已空努力要津張此志吾方寒釣五湖中

稚年嬉戲曾遊地往歲飄零假道還溪水寒生江祖
石洞雲深接九華山錦苔綠字幾多存石鷺白鷗相
與閒幕府詩人富家學定留秀句滿巖間

冬至登小閣有感呈子美提舉奉議

霜落風高萬里枯孤鴻宿宿下平湖行藏誰會倚欄

映帶一作掩諱

意嘯咏聊爲終老娘寒日溪山相映帶暮雲樓閣半

虛無何人妙解丹青事畫作輞川煙靄圖

遠舍松林寒不枯煙霞深處見澄湖縈青綠白知誰

賞把酒裁詩可自娛剡曲幸非千里遠同雲又復一

冬無會常半夜溪山白乘興眞爲訪戴圖

送鄧志宏赴試南省

杜門憂患餘戚戚常鮮歡故人千里來一笑解我顏

梁谿全集

卷十六

八

念昔寓沙陽溪山鬱迴環游從得良友妙賞窮躋攀

別來幾何時歲月驚飛翻索居無與遊衰病兩鬢斑

子充觀國賓假道叩我關草草具盤饌把酒望西山

道舊訪陳跡相對如夢間顧子若鴻鵠整翮正高鶩

軒然四海心豈憚行路艱努力取殊第自致青雲端

春風得意後期子從茲還

次韻仲弟獨遊惠山古風

我家九峰下跬步臨勝境循除環佩聲瀟庭松桂影

宦遊阻幽尋每若翹引頸十年旅京華萬里走閩嶺

歸懷寄清夢投檄期自請向來兵火作此地偶無營
餘生集百憂負郭耕二頃新交浸已踈舊學謀復整
功名一灰地毀譽兩鼃鼃抱拙與世違退縮甘遠屏
杜關絕外遊但欲俗緣省茲山乃故人雅契相與永
登臨富泉石探綴足芹苻下瓢酌甘芳日汲謝餅餠
胡爲久不到有媿稚川井仲弟絕俗姿好勇先我騁
新詩紀清賞得句頗彪炳艱難見鷄原歲月侵晚景
相期老邱壑不復歎土梗梁溪寒可漁簑笠同解觚
盍如六一翁終日思汝穎方茲築吾廬跼伏念前告
梁谿谿全集卷十六

九

面山開小閣制度閭深靚山氣日夕佳爽致當共領
夜久霜露寒星月光罔罔泠然欲御風豈憚廣寒冷
鄰鐘韻更幽皓鶴唳方徹深炷一爐香晏坐得三省
得吳元中書言近不作詩以所著幽七月詩義
見示因成三篇贈之

盱起幽居尙閉關忽傳尺素破愁顏迂疎似我宜深
隱才術如公豈整閒雅意未曾忘北闕勝遊今日且
東山十年迴首當時事歎息人生似夢間

底事年來不作詩應緣思苦少人知凌雲健筆含毫

日照眼花枝得句時陶冶性情端願此詠嘲風月漫
多爲驛筒若許陪酬唱朱字青牋復寄誰

儒生樂事信同風端把前言鼓鐘公正說詩箋七
月我方學易緯羣龍艱難盛業原衣食憂思餘生閒
吉凶去聖寥寥千載後何時揮塵得從容

題伯時明王蜀道圖

君不見開元天寶同一主治亂相翻如手舉挈盈欲
惡雖一人變易安危原近輔姚宋已死九齡黜誰使
楊釗繼林甫宮中太真專寵私塞外番酋成跋扈禍

梁谿全集

卷六

十

胎養就不自知漫向華清遺七筋漁陽突騎破潼關
百二山河震金鼓翠華杳杳幸西南赤縣紛紛集胡
虜傷心坡下失紅顏墮淚鈴中聞夜雨山青江碧蜀
道難棧閣連空儂相拄旌旗慘淡雲物愁林木陰森
援烏侶戎裝官女亦善騎皓齒明眸猶笑語老聶奚
官驅蹇驢負橐齋糧豈供御九重徽衛復誰勤萬里
難危真自取至尊狼狽尙如此歎息蒼生困豺虎千
秋萬歲不勝悲玉輦金輿盡黃土空令畫手思入神

一寫丹青戒今古

送韓茂遵解元赴試南省

憂患餘生日杜關幅巾肯顧得開顏
虛堂把酒延佳月小閣哦詩對遠山
子學鷗鵬將海運我同猿鶴且雲閒
都城故舊還相問爲道衰頽鬢已斑

題邵平種瓜圖

讓一作葉

君不見伯成子高讓侯爵在野終年自耕獲下風趨
問禮徒勤佻佻田間事無落又不見於陵仲子推相
位爲人灌園刈葵菹抱甕區區同漢陰不糝藜羹有
餘樂古來賢達有如此志趣未可常情度力辭富貴

梁谿全集

卷十六

十一

居貧賤凜若霜風墮輕籜邵平本自侯東陵秦破國
除休一壑當時漢祖疑鄧侯置衛增封意非薄眾賓
皆賀平獨弔一言轉禍推先覺以茲智略佐風雲復

取故封何所作歸來種瓜青門外灌漑耒耜甘寂寞

長安之東壤尤美翠蔓離離照城郭秋陽正熾瓜正

肥解衣摘實如俛鶴兒童玉立形骨清挈笠携筐助

操作遂令世美東陵瓜身後高名動寥廓屠販曾聞

封絳灌奴僕後來與衛霍高鳥已盡良弓藏更有韓

彭辱囚縛何如終老守瓜畦自飽飽他真不惡龍眠

也是可憐人畫此端令事如昨世間如畫畫如夢聊
爲作歌資一噓

寄題外氏松源紹祖亭

東劍艱危際結廬閒曠瀕全家入青嶂避地爲黃巾
族系歸圖譜風流霽薦紳雲仍藉餘澤勿替德維新
外族雲峰畔新亭烟水濱兒童舊遊地感激易霑巾
竹裏鶯鳴珮山邊繚素紳何當俯軒檻一覽物華新
近以詩寄許振叔承林德祖見和復次前韻寄

之

梁谿全集

卷十六

七

甫里先生早乞身最憐流落漢庭臣也知雅有綈絕
意故使同爲蓮社人佳句傳來油素濕靈文縉處貝
多新更煩爲指趨真路舊國于今草木緝

次韻顧子美見示題曲江畫像

天眷李唐能肖德異人間出生其國于中貞觀開元
間譬若豐年多黍稷曲江擢秀自妙齡國器早被燕
公識文詞瞻蔚冠後來大冊高文振鴻筆孤生徒步
起荒陬職秉鈞衡爵侯伯一時推挽盡正人讜議嘉
謨咸可績能于偏校識胡雛此理未可常情億哥奴

豈是郎官才誰使巖廊久揚厯肩宇津津挾免雕醜

藉居然困摧抑正衙造膝爭

揚一作據

相臣豈止伶官論安叱

天意方將啓祿山帝心那解疑仙客房星陰謀獨上

星一作旌

陳三子未寃繫巨力偉哉相業繼姚宋允矣威聲落

夷貊千秋金鑑奉君王仁者之言古遺直咏燕論心

詎免猜賦扇陳情竟何益黃鍾毀棄瓦釜鳴鳳去鴉

鴟集槐棘固知骨鯁易嬰鱗坐使茲諛得乘隙一麾

南一作靈

出守來荆南直道忘懷謝欣戚詩篇冥助得江山文

史終年自怡憚漁陽鼙鼓震長安禍亂宜從一朝積

梁谿全集

卷十六

七

翠華西幸蒙塵飛蜀道艱難會相憶至言逆耳棄不

收遣祭徒勞長歎息古來忠讜盡如此端欲濟時如

穀帛空令萬世滄海南萃兀高名配韶石於粲荔丹

焦葉黃廟貌屹然茲血食身亡道立復何求失策白

與當時惜丹青誰爲寫清姿風度巖凝見顏色顧侯

好古如古人此本云自昭陽得笏囊無復使人持奕

奕蟬冠照虛壁象設會聞鐵作胎英靈尙想心猶赤

拜公遺像激懦衷悵望天南瘴江碧高辭險語極揄

揚勉強追酬愧非敵

小閣晚望書懷一百韻示仲弟并簡顧子美

歲晏羣陰積天高霰雪晴西山來爽致小閣湛虛明
曲檻馳孤照微雲點太清泛觀周宇宙曠望出枝撐
九隴龍蛇伏梁溪組練縈翠烟浮近市碧瓦麗高甍
湖外千巖秀林端一帶平松篁森蒼蔚樓觀鬱崢嶸
天末氛埃歛坤倪物象呈清風生戶牖秀色入軒楹
北極星辰拱東臯雨露蠶寸懷舒遠日萬感集孤情
憶昨陪螭殿終年侍玉京含毫青瑣闥通籍鳳皇城
獎擢知恩重臨危覺死輕囊書朝入奏襍被夕徂征
梁谿先生集卷十六
去歷溪山險歸虞益賊驚西江足波浪南國滿旃旌
迂路良非策尋家不計程天戈戡狹獮廟略掃欃槍
蕪沒田園在歡呼僕隸迎亂離才甫定患禍忽相攖
風木悲摧感祥琴慘愴聲誓終墳墓守望絕縉紳榮
卜築誠長計棲遲豈釣名當爲千歲螿那作九臯鳴
示舌羞張子輕身笑禰衡盤桓且邱壑騰踏自公卿
未具函關駕聊從谷口耕歲功方險惡供給敢豐盈
瘠隴饒稂莠彪池批稻秔何必謀肉食充腹但藜羹
孤笑彈長鋏微吟就短檠開編聊自慰攻苦飽曾更

卮酒和糟粕盤飧雜蚌蛭恐須食翠栢尚未刷黃精
破臘冰漸解春迴草木萌且休吟蟋蟀行復聽鷓鴣
獻歲三朝始初陽一氣亨小梅舒凍梢疎柳茁枯莖
簾幕還飛燕圓林又轉鶯試編居士屨學種故侯螢
抱甕澆芝朮聯畦蒔杜衡摘甘聊共割釣美得同烹
烟艇斲箸穩雲溪略約橫行吟携古錦坐隱寄文枰
據石從欹帽臨流可濯纓閒中端有趣身外更無營
古寺迴巒擁細泉幽竇傾帶雲酌曉杓和月貯春罌
繞徑搖金碎循除響玉琤由來穿蠟屐未必羨葱珩

梁谿全集

卷十六

五

借問披衣慣何如結佩精端知綬若若不假鐵錚錚
匠石宜遣櫟山川詎舍駢甘爲書裏蠹憚作廟中牲
雲鵠翰方鍛風鳶羽正翊隱淪隨綺皓菹醢歎韓彭
坐逸真僥倖時康孰使令溥天期一稔率土慶羣氓
耒耜三農出倉箱萬寶成餘糧飽羸瘵大屋莖發媪
稚耄皆含哺潢池不弄兵人咸安賦畝吾亦樂柴荆
已與猿猴侶猶懷犬馬誠憂心能悄悄執節信磴磴
老去將忘世朋來且命觥嘉賓期座滿陋巷或車轟
幽鳥會心近良辰樂事并黃梁菹露薤白蠟皂霜橙

何苦三升戀當爲五斗醒
澗葦舒翠縷林荀脫文綳
池草鋪新綠亭花藉落英
醉眠方栩栩兒泣任嗶嗶
庭樹朝嘲雀書帷夜語蜻
心清香篆繚耳隱梵鐘鎗
遊宦從諸季浮沉許拙兄
棣華知擘擘伐木亦丁丁
操履資磨琢論交貴討評
杖藜扶跛倚藥劑發聾盲
絕倒心都醉奔馳視只瞠
風流懷衛玠敏捷憶袁宏
願見摩天手真成擲地玃
戈矛萬人敵膾炙五侯鯖
意妙操干舞聲希舍瑟鏗
味深飴醴酪調古奏誦誣
文社誰襟袖詩壇爲主盟
中書仗毛穎發墨穎陶泓

梁詒全集

卷十六

六

友直常希黯言剛酷鄙棖藏刀真善割膠柱未能箏
數馬須資策馳車必式閔傳家惟義訓教子謝金籬
婚嫁何時畢遨嬉莫我爭浮家茗水去乘興剡川行
吳殿悲遊鹿秦宮弔拱鮫爐峰看瀑布緱嶺聽吹笙
神嶽登嵩華仙洲指沃瀛冲天思御鶴跨海欲騎鯨
浩蕩愁千古翱翔撫八絃會當期若士高揖笑浮生
唐植甫左司許出示所藏紅絲研輒成短歌奉

呈并簡顧子美

羲和整御升暘谷赤雲夾日如飛鷺晶光下射東方

山石卯含丹孕巖腹誰令巧匠鑿山骨截此頰堅一
肪玉琢爲巨硯形製奇中有彤雲爛盈目端溪美璞
色馬肝黯歛珍胚紋霧縠豈知至寶出岫夷散綺浮
花彩尤縟鳳味空聞名字佳龍尾苦笑規模俗漫誇
眉子鬪嬋娟休認明眸類鴝鵒顧盼幸蒙君子知拂
拭自遠塵埃辱火輪炫焯赤烏流墨海奮淪元兔浴
千金象管雕鏤精百煉松煤龍麝馥怒猊渴驥縱奔
犖春蚓秋蛇相縮束楮生便覺肌理妍毛穎何嘗免
冠秃公家三世擅直聲此硯提携資簡牘力侔天地
梁谿全集卷十六
七
掌中迴瞻落姦諛筆端戮固宜祕玩不輕示神物護
持無輒黷崧明几淨齋閣深日煖風清靄松竹試將
墨妙寫新詩落筆烟雲歎神速矧公早年曾餌丹龜
鶴精神鬢毛綠久卧商山茹紫芝行度天門騎白鹿
猗蘭玉樹富堦庭黃卷青緗贖編軸願言十襲遺雲
仍大筆高文永相續

次韻子美提舉許雪中見過之作

殘臘苦寒情味惡萬里風雲欣雪作夜積端愁坤軸
傾曉望却驚天界廓玉龍鱗甲卧羣山水海波瀾凝

巨壑謝家兒女自多才笑咏飛花度羅幕金爐未覺
獸炭溫錦帳猶訝貂裘薄書生飢甚况復寒坐聽朱
絃折臨嶽松孤竹老念山林甲冷戈寒憫沙漠豈思
龍尾賀千官且疊琴心舞雙鶴瑤林玉樹粲迴環勿
謂軒庭全冷落擁門但作袁安卧命駕誰思子猷樂
溪山如畫真自如金玉滿堂端不博煩君携具款我
門注目遙空登晚閣凍吟猶作號寒聲此病欲醫那
有藥公家故自富香醪我亦安能辭巨杓醉看萬事
雪銷凝妙觀圓成不須學

梁谿全集

卷十六

六

次韻邵子非見贈之作

持竿相與釣鯨魚歎息平生術已踈嬉戲尙能追舊
事窮愁聊復著新書昂霄聳壑公行爾拂石眠雲我
自如卜築相望纔一水未應歲晚

悵一作恨

次韻子美寄汪彥章同遊惠山之作

結廬絕無車馬喧雀羅可設深扃門北窓一枕半成
夢剝啄叩戶驚魂魄故人見過適我願相與携手遊
山樊春風桃李已零落孟夏草木行滋繁下瓢共酌
陸子并策杖更步公垂園山肴野簋助清賞此心非

子將誰論人生聚散如露電訪舊歎息無多存區區
得失何足較瑟僂但期終不謾嗟予夙昔志四海遠
遊欲學飛鴻軒南征曾上帝子閣暮雨朝雲相吐吞
西山積翠多爽氣大江縈練方東奔十年回首如夢
到舊事今復聞公言邇來百念已灰冷但願痛飲窮
朝昏新交漸鮮俗緣省久要更覺情懷敦山中蕙帳
不落寞無復怨鶴啼驚猿平生有意師老氏以退爲
進卑爲尊致君澤物付公等我乃送老溪前村置之
此事勿復道且須吸盡黃金罇

梁欽和全集

卷十六

五

蔣山佛果師爲緣事來而此土方飢戲賦是詩以
發一笑

鍾山禪老天骨奇叢林宴坐如孤羆諸方宗仰第一
義說法古作霹靂飛年來爲衆建廣厦胸中結構良
峩巍修梁巨棟資喜捨錡錫不憚東南馳飛騰道俗
走檀越堆積金貝羅珠璣此方旱潦異常歲百里稚
耄方流離析薪鬻子給朝夕闔境半作嬰兒啼坐看
緣事莫錯手却欲反着僧伽梨未聞蘭若泣龍象好
把信施賙寒飢向來收拾大寶聚隨手散盡真慈悲

惟師具眼得空觀，
樞載豈愁垂橐歸。
吾言可聽勿恚，
張無價寶珠元在衣。

次韻葉少蘊內翰文雪川上買得弁山石林二

首

翰林風度世間無，
烟若清冰置玉壺。
暫向雪川謀小隱，
未應魯國舍真儒。
平泉草木何須記，
杜曲桑麻幸可圖。
我亦新霑散人號，
浮家正欲老江湖。

視草金鑾不記年，
邛將心事付林泉。
歸居盤谷真良策，
買得愚溪定夙緣。
隔竹聞聲鳴佩玉，
揮毫落紙散雲烟。
欲誇水石無窮趣，
故把新詩得得傳。

梁谿全集

卷十六

二十

近約周仲居同遊陽羨以私故不果見寄筍簾

因成此詩

勝遊尙爾阻躋攀，
自愧閒中亦未閒。
多謝幽人分筍簾，
宛同春日到雲山。
洞天上下烟霞裏，
溪水迴環圖畫間。
暫豈能窮妙賞，
結廬終欲老疎頑。

次韻顧子美見示久雨三首

一春常苦雨入夏尙怪晴，
雲物頻舒卷軒窓乍晦明。
下田嗟漲溢高岸惜頽頽，
傾蔓草無情思芟除又發生。

朝來疑欲霽雲氣復如蒸泥潦疲馳驟晨昏錯寢興
及時初可喜失節反堪憎安得西山出層樓共一登
中夏猶袂衣澤國信殊候連陰不復開似欲無晴晝
涓涓簷間滴馱馱渠中溜蒼生環堵完遺恤吾廬漏
寄毛達可內翰并錄送魏公別錄

穀水柯山蘊秀奇精忠深結冕旒知玉堂視草久推
重金椀書名猶恨遲廊廟未應忘澤物江山且復助
題詩慙勤寄錄韓公事好爲斯民更築基

迂愚聊復隱清時幽事相關只自知滿地落花看鶴
梁谿全集卷十六

三

舞一軒春雨對僧棋閒中日月真銷得物外烟霞漸
可期坐致時康賴公等不須深遯採商芝

蓴菜

渺渺春湖水拍天紫蓴千里正聯絲初抽荷蘂半含
露旋摘龍須尙帶涎鹽政欲調難並美鱸魚兼憶豈
非賢自憐不是知機士飽食空能上釣船

送李泰發吏部赴官陽朔

意氣相期會面前謫官邂逅兩蕭然誰憐蘭省鷓鴣
友去作桂林山水仙直道事人宜免黜拙謀于我欲

爭先寬恩下逮宜非久來買梁溪二頃田
陽湖溪山冠百蠻羨君遠宦得躋攀聲名已落寰區
內忠信自行夷貊間山作劍鉞攢峻拔水如羅帶巧
廻環此生又作南征計好把輕緞寄一斑

寄李泰發吏部

我生稟賦愚且屯昔遊帝所知何因狂言妄發取譴
廢屏跡分甘麋鹿羣公于何許知姓氏迂趾訪我梁
溪濱平生傾蓋意氣合談笑便覺襟懷親如公才識
邁等倫緩步自當居要津胡爲亦復作此態出語輒

梁谿翁全集

卷十六

三

已驚臣鄰扁舟歸探會稽穴單騎去指蒼梧雲嶺南
風土不全惡陽朔山水古所珍郎官出宰乃故事絕
徭萬里皆吾民布宣德澤被蠻邑獷俗可使風還淳
古來節士志溝壑笑視生死同埃塵甘心刀鋸蹈鼎
鑊爲國詎免危其身聖朝寬大幸無比竄謫未久多
爲一作徇
蒙恩轅駒仗馬戀芻豆何用局促聲長吞堂堂基業
甚宏遠豈使扶助無良臣勉旃行矣佇旒旒乘輿且

訪山陰人

同翁士特小飲中隱堂

三伏炎蒸畫舸迴蓬門聊復爲君開松篁陰翳罇中
綠杖履逍遙池上臺小雨乍隨雲影散好風還逐月
光來虛堂夜久羣躑息枕簟相從亦快哉

士特見和復次前韻

邱園命駕未應迴三徑還同蔣詡開盤谷粗能容蕙
帳釣天無復夢瑤臺稚年尙憶嬉遊處老境相從歸
去來幸有西山供醉眼不妨吟望思悠哉

同士特遊惠山再次前韻

闕一作閣

九峰秀色照溪迴古寺崢嶸殿闕開漱玉泉聲鏘石

梁谿全集

卷十六

三

洞鬱藍天影抱瑤臺親賓情話真難得巖壑幽尋豈
易來且復淹留同一醉未因遣權念歸哉

瑤臺一作瓊臺

題周孝侯廟

周侯高節冠千古志氣剛明乃如許劍斬長橋戟尾
蛟刺殺南山雪毛虎歸來一聽閭里言折節寧辭遠
遊苦學成名立世共驚殉國忘身乃其所至今血食
荆溪濱廟貌崇深日簫鼓我來再拜仰遺像思古傷
今悵誰語君不見淮陰跨下已亡奇噲等何羞與爲

余乙巳春赴奉常召如京師五月四日至京口

同似表叔易遊北固甘露寺

招提殿閣鬱嵯峨占得江山氣象多一水下臨縈素練兩山對峙疊青螺乍欣心目到空澗坐看風雲相盪摩景物自新人自老舊遊追憶奈愁何

雨中渡楊子江書懷呈似表叔易

波光淡淡艣聲圓風軟潮平利涉川浩渺雲濤連海嶠空濛烟雨濕樓船江山雄偉冠天下景物瓌奇繞目前遠蹟禹功須我輩感時懷古一悵然

梁谿全集

卷十六

十四

同似表叔易置酒平山堂

蹙停征櫂此從容歎息前賢結搆雄心眼乍隨天宇潤笑談不覺酒罇空江光隱見軒楹裏山色虛無烟雨中種柳仙翁何處去年年踈翠自春風

過召伯埭遊斗野亭次司諫孫公韻

星斗照淮楚綠野如砥平茲亭結構小景物有餘清我來值祥暑霽霧塞高甍登臨得佳友坐使懷抱傾方塘揚柳合極望菰蒲生仰德思謝傅弔古傷蕪城濁酒聊共酌小鱗鮮可烹抱拙卧江海胡爲復此行

途中書懷

區區螢燭光何補日月明稽古得車馬平生笑桓榮
夫國飄零伴一星誤思還許謁承明已甘松菊老三
徑豈有材猷厠九卿晚景故慙題柱客壯懷多謝棄
孺生片帆自逐南風起遇坎乘流且麼行

新開河食鰕魚戲成

平湖渺漫煙蒼蒼菰蒲擢秀新荷香漁舟演漾出深
浦舟中鮮鰕肥而臧傳呼就買不論價得錢留魚魚

眼光細鱗

俛一作傳

咳口僅髻鬢爛斑點黑微塗黃巨盆汲水

梁谿全集

卷十六

五

養餘息撥刺奮尾猶洋洋付庖薦酒擇困者揮刀切
玉莖桂薑麪生風味已醞藉得此更使不可忘松江
之鱸不足憶銀色詎數緜州魴惜哉行役難駐權一
飽未許盃盤常雨簑煙笠乃吾事安得獨釣青茫茫

泗上瞻禮僧伽塔

湯湯淮泗濱實爲至人居至人骨已冷靈響初不渝
巍然宰堵波金碧耀雲衢突兀三百尺勢欲凌霄虛
乃知天人師宜有神明扶憶昔歲乙未奉親由此途
開關瞻睟容端相不可誣清秋日當午爲現摩尼珠

蟬聯寶鐸開懸綴如流蘓萬目共瞻睹耄耋驩驚呼
重來念舊事感歎涕潛如再拜禮雙足如師真丈夫
沐上有感

不踏隋池今幾日重來空歎二毛侵黃流渾渾帆檣
影綠岸森森榆柳陰雨霽鳩鳴呼婦急晚涼蟬噪感
人深區區往返何爲者誰識先賢用捨心

梁谿全集

卷十六

五

梁溪先生文集卷第十六
萬日共瞻睹耄耋驩驚呼

梁溪先生文集卷第十七

特進觀文殿大學士致仕隴西郡開國公食邑
四千四百戶食實封一千七百戶贈太師諡忠

定李綱著

詩十三

自丁未秋罷相後所作
及戊申歲四十六首

序

寶劍聯句

山藥

煨芋

梁谿全集卷十七

食蟹

對菊小飲簡申伯叔易

小飲卽事呈申伯

玉華宮用杜子美韻

九月八日渡淮

九日與申伯叔易飲

章華宮用張藉韻

次韻季弟善權阻雪古風○善權卽事十首

題輞川雪圖

次季韻賦花三首

宿黃栢村館

宣國縣圃雜花盛開二首

咏草

初見楊花

繫歛道中士人獻牡丹有盈尺者爲賦此詩

自鄱陽泛江至星子

過彭蠡

遊落星寺

梁谿全集

卷十七

二

望廬山

韓德全以小舟相迓于落星寺下

遊廬山

過玉潤道人草堂

五老峰

羅漢寺

欲遊尋真觀不果栖雲庵

三峽篇

萬杉寺散珠亭

諸荆以石渠鎔水有十餘里者感之賦詩

梁谿全集

卷十七

三

諸荆以石渠鎔水有十餘里者感之賦詩

詩以風刺爲主故曰上以風化下下以風刺上主文而諷諫言之者無罪聞之者足以戒三百六篇變風變雅居其大半皆有箴規戒誨美刺傷閔哀思之言而其言則侈出于當時仁人不遇忠臣不得志賢士大夫欲誘掖其君與夫傷讒思古吟咏情性止乎禮義有先王之澤故曰詩可以羣可以怨小弁之怨乃所以篤親親之恩鴟鴞之貽乃所以明君臣之義谷風之刺乃所以隆夫婦朋友之情使遭變遇閔而泊

梁谿全集

卷十七

四

然無心于其間則父子君臣朋友夫婦之道或幾乎熄矣王者迹熄而詩亡詩亡而後離騷作九歌九章之屬引類比義雖近乎怱然愛君之誠篤而嫉惡之志深君子許其忠焉漢唐間以詩鳴者多矣獨杜子美得詩人比興之旨雖困曠流離而不忘君故其辭章慨然有志士仁人之大節非止模寫物象形容色

形容一作風容

澤而已余舊喜賦詩自靖康謫官以避謗輟不復作及建炎改元之秋丐罷機政其冬謫居武昌明年移澧浦又明年遷海外自江湖涉嶺海皆騷人放逐之

鄉與魑魅荒絕非人所居之地鬱悒無聊則復頽詩
句攄憂娛悲以自陶寫每登臨山川嘯咏風月未嘗
不作詩而發不恤緯之誠間亦形于篇什遂成卷蝨
今蒙恩北歸哀葺所作目爲湖海集將以示諸季使
知往返萬里四年間所得蓋如此云庚戌清明日梁
谿病叟序

仁人不遇忠臣不得志賢士大夫
一本作仁人忠臣志士賢大夫

寶劍聯句

造化鑪錘巧山溪鑛鑊良精金付甌冶妙手鑄干將

淬礪成鋒鏑伯紀飛騰辨耿光青黃司火候申伯爪

梁谿全集卷十七

五

髮助所禳桃氏幾時獻叔正龍文難久藏鱗敝識松

理乙屈認魚腸黯黯青蛇色伯紀炎炎赤帝祥提携

起三尺申伯駕馭收羣狼彈鋏悲馮子叔正誇鐔悟

趙王神功歸不試利用運無旁贈客千金直伯紀方

人百鍊鋼還須玉具飾何用蒯緱裝詎使妖腰喜申

伯常容節士狂純盧非斌媚巨闕太堅剛鬚勃衝牛

斗蜿蜒接混茫疇能寶於越俱議刻餘鯨攸拭資神

土叔正珍藏闕寶房斬蛟誠壯勇剗象見銘銘韓信

歸高祖朱雲賜尙方雄才元倚仗佞膽已飛揚渾脫

公孫舞伯紀縵胡庶士傷吳鈞能曲折蜀漢有文章

六賜恩何厚三名怨未償先知吼蛟兇摩鈍凜冰霜

犬子常思擊申伯猿公莫敢當翁歸備文武季路戒

疆梁疾視真何事叔正要盟或可臧鏡天墮誓李適

野走彷徨麾拂飛雷電伯紀軒昂變雨暘刺強同七

首定亂豈長槍叔向排當御昭王畏拙倡買牛今欲

老申伯鑄鏹歲方穰叔正徐國留吳札鴻門蔽項莊

杜頤真貴盛擊柱妄披猖曜僭山妖見秦興水怪彰

萬人猶可敵一映未應敗不動驚公勝爲誇異伯陽

梁谿全集

卷十七

六

斷區猶未妙穿屋始非常止水涵晶瑩踈星點角芒

聊須爲武備何必事戎行要並宗臣履休同小盜裳

衝星憐杜子斫地歎王郎申伯不假蒙須使真成刃

手創新硯如可發故物未應忘叔正黠虜稱兵急王

師擊鼓鏜氛埃期掃蕩心膽爲開張未斬樓蘭級那

銷黔首瘡幾回開匣罷但欲引杯長踈復防身佩毋

爲躍水亡報君吾志畢以爾倚扶桑伯紀

山藥

山家爲我斲青冥養就仙芝指掌明風味自應珠紫

芋功名初不減黃精藤盤欲荐冰霜質石鼎先聞風
雨聲辟穀留侯正歸去淡然悠久見交情

煨芋

今夕何夕夜未央天寒擁爐更漏長縮肩環坐有饑
色呼童取芋灰爲塘蹲鴟得火良易熟脫落皮毛如
紫玉迭煨迭進爭相先笑語頗喧知實腹錦里先生
亦不貧家園收拾重千斤凶年自可活妻子美好不

重一作勤

減岷江濱鄴侯昔遊衡嶽左懶瓚食餘貽半個我今
歸去隱家山豈復從人覓殘顆臞儒奉養亦已微一

梁秋殆人王集

卷十七

七

飽便吟煨芋詩君不見齊公夜半意不賺易牙煎蒸
燔炙和調五味而進之

食蟹

秋風蕭蕭蘆葦蒼野岸郭索紛成行持矛被甲正雄
健真一作正意氣真欲行無旁朝魁執穗似有禮擁劍敵虎何

其強野人篝火夜採撥束縛赴鼎如驅羊樽前風味
若無敵笔以橙橘尤芬芳流膏斫雪快一飽咀嚼海
錯皆尋常丹楓夜落吳天霜穰稔欲熟千畦黃梁溪
白蟹正可釣雛鷄濁酒肥且香先生歸去營日腹老

饜未許他人嘗家山漸近意漸適思歸豈獨鱸魚鄉
九月五日對菊小飲簡申伯叔易

淵明愛此九日名對菊無錢可留客杜陵爛醉作生
涯青藥空嗟未堪摘我今鼓枹適長淮坐見幽叢爛
熳開自從多病久不飲又爾一洗黃金壘東南節物
誠已早翠葉金花爲誰好三徑荒蕪爾尙存未覺出
山同小草世間萬事皆可忘且須泛此酬秋光平生
最愛老坡語菊花開日卽重陽

小飲卽事呈申伯

梁谿拾全集

卷十七

八

夜涼同味古人詩新月娟娟照酒卮一醉且忻軍寇
退扁舟似與菊花期銜杯樂聖真吾事泛宅浮家漫
爾爲歸去雲山最深處隔江千里幸相思

同味一作筒詠

玉華宮用子美韻

阿房但遺基銅爵亦飄瓦茲宮製何朝棟宇妙天下
溪山最清絕畫手不可寫于今黍離離客過戾如灑
廼知營宮殿徒以業力假起滅猶浮漚聚散齊一馬
如何世間士天運欲持把此理貫古今宜有知之者

九月八日渡淮

長淮渺渺烟蒼蒼扁舟初脫隋渠黃平生見此爲開
眼况復乞身還故鄉嗟余涉世誠已拙徑步不虞機
竄設空餘方寸炳如丹北望此時心欲折楚天清曉
作輕寒黃蘆着霜聲正乾川迴金碧隱窳堵風遠鐘
磬聞龜山鶻聲嘔軋歸何處笑指江臯尋舊路松菊
荒蕪欲自鉏盜賊顛翻非所懼

時聞錢塘盜作故云

蟹螯菊菜

風味逾且須爲盡黃金舟世間種種如夢電此物能
消萬古愁

九日與申伯叔易小飲

梁谿全集

卷十七

九

上客相從稱玉觴楚天杳杳湛秋光紫茱黃菊有佳
色白蟹鱗鱗聊共嘗自晒三朝爲逐客常於九日旅
殊方十年往返成何事贏得蕭蕭滿鬢霜

章華宮用張籍韻

楚王初建章華時修梁巨棟如雲垂諸侯共落相長
鬣示汰往往逃而歸當年左史箴王闕所招之詩爲
之發固宜便嬖意相當肯使俊乂居周行宮中門戶
如蓮房錦茵繡幕春風香娥媼曼脉肌雪霜侍燕承
娛夜未央金石間作侑玉觴吧觥不復稱公堂志窺

九鼎輕天王翠被豹寫垂瓊璫乾谿之辱豈其壽峻
宇雕墻洒于酒

次韻季弟善權阻雪古風

歲晏江南三尺雪奕奕漉漉遂連月意濃豈是天網
踈勢重便疑坤軸折溪行小艇碎瓊瑤自勝縞帶隨
車鞅暝投蘭若寄僧房更覺千巖鳥飛絕憶昔宣和
全盛年嘉瑞應期來自天千官朝賀未央裏仰視龍
尾垂蜿蜒珠樹瑩煌青瑣闥玉花浮動蒼龍闕但將
歌舞賞清妍肯信山河會分裂自從國步多艱難胡

梁谿全集

卷十七

十

騎長驅窺漢關陰風慘淡隨殺氣見雪反使摧心顏
古來治理初無別中國浸強胡浸滅坐令和氣變陽
春肉食于今未宜忽迂愚放逐恩已寬敢憚道遠貂
裘寒空餘爛爛寸心赤中夜不寐憂千端素髮飄蕭
頭已滿百年光景行將半未知夢幻此生中幾回看
雪光凌亂會當掃蕩豺狼穴國恥乘時須一雪酒酣
拔劍斫地歌心胆開張五情熱中興之運期我皇江
漢更灑纍臣血

善權卽事十首

荆溪移權雪漫漫皓色連空眼界寬練帶縈迴迷卷
畫玉屏岿峩失銅官風飄珠璣來元圃槎泛銀潢到
廣寒安得丹青似摩詰生綃寫作畫圖看

十日荆溪雪未晴敲冰聊作善權行最憐擊碎瓊瑤
片欲愛長聞環珮聲百仞巖端仙鹿過千株松下老
僧迎斯遊自覺平生少頗怪淹留景太清

雪着溪山淡復濃行舟疑在玉壺中雲藏半嶺深難
見冰塞長川逸未通賴有僧房容假榻未應塵跡歎
飄蓬勞生夢幻成何事萬古閒愁一笑空

梁谿全集

卷十七

十一

山掩溪灣三四家竹籬茅舍暮烟斜仙村自種田
玉梅徑疑閒處處花近渚冰銷迷浴鷺遠林煙暝數
棲鴉年年值雪長爲客對此凄然感歲華

小童又報雪花飛深炷鑪烟欲起時浙瀝乍聞經竹
葉飄蕭初看著松枝南人共訝何曾見北顧深顰有
所思牢落無言自搔首却驚華髮頓成絲

一夜凝寒雪意濃禪房睡美不聞鐘起看銀色三千
界更憶瑤臺十二重戴白蒼官尤覺好折腰青士若
爲容暮晴送出寒蟾色爲照溪頭羣玉峰

連日風雲匝地陰
玉花飛舞滿煙岑
竹窓夜色棋方
適書幌朝寒酒倍
斟幸有高人同勝
賞不妨佳處得
幽尋庭前暗積知
多少短一作遠自築筇枝探淺深

山空烏雀傍簷楹
景短惟聞鐘鼓聲
懶瓚但知煨紫
芋少陵何處斲黃
精江南寇盜休無
賴塞北煙塵迄
未平太息浮生端
值此不如無念契
無生

霽色初開雪未融
坐來風撼落長松
林枒趨捷緣饑
鼠洞壑深沈蟄老
龍致遠未須金騶
裹憑高且看玉
芙蓉豐年最有田
家樂雪屋何妨入
夜春

梁谿全集

卷十七

十一

朝來烏雀報新晴
乍喜窓間日影明
糝徑楊花渾寂
寞倚簷冰柱漫崢
嶸早梅向暖垂垂
發好鳥知時得
得鳴從此陽光漸
舒暢放回春色滿
江城

投金瀨有感

楚王聽讒誅五卿
招呼二子同就烹
子胥彎弓見使
者義不戴天非惜
生操瓢乞食困江
表曷嘗一日忘
郢城漂水之陽遇
士女壺漿簞食欣
相迎當時追捕
尙爾急殺身滅口
意豈輕霸吳何止
服句踐破楚遂
以鞭荆平削行逆
施道雖遠復仇攄
憤聖所稱却來

訪舊欲報德歎息玉質隨流萍投金淺瀨亦何有聊
以寓意通精誠哀窮進食類漂母解劍掛墓同延陵
古人已矣不可見空有史筆垂名聲

題成士毅所藏朝川雪圖

朔風飛雪何漫漫羣山大半埋雲端藍田印壑不易
得更把雲粧林巒茅齋竹屋架巖巘軒楹面勢隨
所安素華浙漉灑空翠逼耳似聞聲正乾層崖凍互
石欲裂飛瀑不礙雙流湍長松落落有生意連臂下
飲惟元猿椒園柳浪渺安在髣髴猶認茱萸泥乘危
跨蹇者誰子竦肩縮袖何其寒祇應詩句獨有得不
減灑橋風雪間幽人一去久寂寞寒藤滋蔓誰能刪
生綃數幅寫絕景空有圖畫今人看

梁紇全集

卷十七

三

次季弟韻賦梅花三首

冷藥疎枝烟水濱江南此地又逢春年年行路長爲
客的的寒花解笑人雪裏暗香來鼻觀風前高格見
天真誰言對爾銷愁得一段清愁特地新

年年青女久橫陳賴有江梅漏洩春孤潔如親隱君
子風流似對謔仙人雅期蘭蕙香非遠解笑松華色

未真開罷枝頭著青實故教桃李一番新
羣芳凍死未招魂誰使梅花獨占春願折繁華憑驛
使爲傳幽思惱詩人心馳魏闕慙商鼎路入章江憶
子真莫道廣平心似鐵賦辭得得與清新

宿黃栢村館

客館可人意敢懷行路勞軒牕面蒼翠棋酒助嬉遨
雨過竹聲碎風搖雲影高人隨處適何必賦離騷
寓寧國縣圃中桃李雜花盛開因感而賦詩

春光不爲干戈薄花縣縱觀桃李開可惜繁華勞剪
梁谿全集

卷十七

十四

刻莫教風雨便殘摧溪山有意相輝映蜂蝶多情自
往來應笑逐臣心似鐵客中扶病亦登臺

乍雨乍晴三月節半開半合百花枝傷心春望不堪

物一作事

遠感物淚痕長欲垂塞北但知隨水草江南何事插
旌旗上林無限鷲花老應怪來遊鳳輦遲

詠草

臺覺池塘碧草萋風搖煙濕已菲菲
聯山色不知遠惆悵王孫何日歸
微質亦知煩雨露寸心終欲報
春暉芳根縱腐猶能化舞蝶流螢到處飛

休寧縣驛舍初見楊花

山館風光隨分好，方塘碧長萋萋。草楊花搖蕩入疎簾，又是一年春色老。

黔歛道中士人獻牡丹，千葉面有盈尺者爲賦。

此詩

左選本無面字

平生愛花被花惱，每見牡丹常絕倒。自從喪亂減風情，兩年不識花枝好。邇來謫墮烟雨中，行色日與春光濃。今夕何夕見粲者，頗類壽安千葉紅。豈知黔歛

深山裏，乃有此花端。若此不論玉板與鶴翎，可亞姚

梁谿全集

卷十七

十五

黃并魏紫嫣，然見我如感傷。似訴處此非其鄉，吾衰多病不解飲。對爾歎息空持觴，人言老境花如夢。獻此殷勤情已重，蠟封瓶貯可多時。惆悵洛陽今不貢，自鄙陽江至星子。

我行黔歛間，山隴如黏蠟。澗水互縈繞，路石何曉砢。深谷四無景，峻嶺千雲霄。朝行嵐氣合，暮宿怪禽號。吾雖一險夷，無乃徒御勞。及茲夏潦漲，跼節俯江皋。試命具舟楫，聊以釋煩囂。巨浸與天永，東流日滔滔。來檣與去櫂，倏忽馳千艘。進舟枕席間，舟子巧所操。

江山逶隱見景物資遊遨頗同謫仙人醉著官錦袍
長嘯倚拖樓軒然咏離騷心隨八極遠身逐秋鴻高
風帆劈巨浪大艣駕雲濤百里須臾間千里不崇朝
快哉可以賀把酒持螯

彭蠡

神禹治水江爲最邈迤透蛇鍾作滙泓澄不獨陽鳥
居浩蕩端使羣川會羣川已會江不湍朝宗到海東
南安煙收雲歛望不盡眼界始知天宇寬世傳揚瀾
并左蠡無風白浪如山起我今謫宦此中行何事恬
然風浪止陽侯也自可憐生不學世人皆世情好風
已借一帆便霽色更增雙眼明晚來畫舸鳴六鷁超
忽千山如脫兔波心突兀見星宮雲際崢嶸望廬阜
世間此景良不多洞庭三峽真么麼共浮大白期一
醉對此不飲當如何

遊落星寺

一氣升沉誰所肇隕星爲石古不少羣川會處渺無
涯墜此精堅鎖江表坐令釋子開梵宮棟宇規摹浮
玉小窈窕樓臺四面通洶湧波濤千柱儂我來端是

好幽奇一葉飄然凌澗初疑牛女在銀潢更訝靈
槎經畢昂星房月殿夜沉沉水色天容秋杳恍如
清夢到天門欲駕鸞輪愁蓬島塵世喧囂那易得幻
境去來何日了心閒境寂付幽人衲被蒙頭任昏曉
一望廬山巖巖巖中烟如宿自昔長世欲登
多年不省廬山面江上初從望中見秀骨蒼顏五老
人顧我欣然如素善香爐峰頂紫烟浮瀑布遙看銀
漢流雲舒霞卷互明滅倏忽變態無停留卻疑清夢
尋邱壑風物何爲宛如昨縱令真是夢中看夢未覺

梁谿全集

卷十七

七

時良不惡平生所願今乃償寬著日月遊山房青鞋
布襪久已辦百錢掛杖聊徜徉

韓德全以小舟相迓于落星寺下

故人一別兩寒暑雁斷魚沉杳何所那知迎我落星
傍一葉凌波聽掀舞胷中耿耿初自若身世悠悠乃
如許且須酌酒澆肺肝慎勿開口論今古

晚出南康遊廬山

捨舟星子渚遂作廬山遊空濛杳靄間十里松桂秋
草木吐香潤泉石交橫流乃知山中物一一皆其尤

嵐逼空翠濕峰高紫煙浮心閑雲出嶺眼淨龍還湫
月壑夜窈窕風林晚颼颼稍聞鐘磬聲迥覺梵宇幽
平昔念清賞孰云今乃酬似非人間境須向物外求
顧揖雖不暇吟哦浩難收聊將詩紀行一洗他年愁

過玉澗道人草堂

道人妙彈琴能作醉翁操人亡琴亦亡頗爲識者悼
草堂玉澗邊蕪沒已秋草總帳鶴驚空藥杵香餘搗
竹光淨如洗桂子寒不掃松風肅泠泠猶想琴聲好

五老峰

梁谿全集

卷十七

九

五峰秀出如五老髣髴蒼然長美好問之不肯道姓
字儼然子房從四皓商山採芝亦已久漢庭辟穀何
其早優游相與定儲皇攜手江湖共幽討化爲峰石
寄山顛下視塵寰真電掃衣冠想像猶偉然容貌至
今初不槁祇應明月見當時間有白雲來問道迹將
築室近峰前歲晚相依得相保

髣髴一作鬚髮

羅漢寺

寺有玉澗金池

梵宮臺殿古松桂碧參天玉澗碎寒石金池開小蓮
循渠窮水脉榮杖到巖顛漸入廬山境從參五味禪

自羅漢院欲遊尋真觀雨作不果遂次栖賢聞
尋真景物尤美留爲異日不窮之賞賦詩紀

乙

羽人之宮鄰五老杖履欣然事幽討那知一夜雨翻

盆山路難行愁滑倒世間違意常八九萬事皆然宜

自保山靈豈是秘幽奇欲結情歡故相惱傳聞景物

情一作清

冠廬山小殿飛樓更精巧古潭搖蕩明月光綠蘿青

松覆煙草屏風九疊雲錦張古來詩句謫仙好山中

道士不出門玉杵金丹手親搗我方放浪謝冠裳未

梁谿全集

卷十七

十九

覺山林跡如掃真遊倘有不盡緣容我他年來訪道

栖雲庵

羅漢長老爲退居之地
求予名之有大蛇其後

理一作擴

禪老幽棲地雲峰尺五天江湖縈縞帶世界現青蓮

說法三乘外藏身萬象巔潛虬蟠不去應聽祖師禪

三峽橋

我昔曾作雲安行道逢除書還玉京至今遺恨不一

到與聽三峽流泉聲此來又謫武昌去廬山當道欣

所經栖賢寺前小三峽拭目便覺增雙明黃牛明月

坐中見瞿塘灩澦森相迎山寒草木鬱葱蒨遍耳似

聞猿狖鳴懸崖亂石互迴薄震吼正坐不得平珠跳
雲沸巧激射晴晝雨雹驅雷霆壯哉造化融結此故
使水石相喧轟妙首流出無盡藏乃與衲子門庭爭
飛橋巔竄跨虛碧面對五老峰崢嶸我來雲物爲開
霽當暑萬壑松風生提携更得二三子杖履不辜邱
壑情垂緝得水不敢激老坡舊約今尋盟

萬杉寺散珠亭

一派飛泉落坐隅

一作拂

跳波拂石散成珠道人諦看空濛

際顆顆圓明定有無

梁谿全集

卷十七

二十七

諸刹皆以石渠道水有至十餘里者感之賦詩

廬阜秀江南凝結盡雲母泉源乃雲映甘冽固其所
懸爲瀑布垂蹙作龍鸞舞交流澗谷中厥味皆鐘乳
僧房有能事致遠勞汲取鑿石爲通渠計里不計步
回環繞山麓高下映簷無蜿蜒虹腰轉溜溜螭頭吐
沛然飲濯餘灌溉及蔬圃誰將劊物智作此濟眾祖
甞勞逸則永心一力乃舉豈惟小物然萬事盡如許
吾道何其衰寤寐慨思古

梁谿先生文集卷第十七

